



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

հոկտեմբերի 2021 թվականի № L
ք.Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ
ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2018 ԹՎԱԿԱՆԻ ՓԵՏՐՎԱՐԻ 6-Ի №26Լ ՈՐՈՇՄԱՆ
ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Նորմատիվ իրավական ակտերի մասին» Հայաստանի Հանրապետության օրենքի 1-ին հոդվածի 2-րդ մասը, 33-րդ և 34-րդ հոդվածները՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Հայաստանի Հանրապետության հանրային ծառայությունները կարգավորող հանձնաժողովի 2018 թվականի փետրվարի 6-ի «Հայաստանի Հանրապետության հանրային ծառայությունները կարգավորող հանձնաժողովի պաշտոնատար անձանց և ստորաբաժանումներին սպասարկող ծառայողական ավտոմեքենաների և դրանց շահագործման համար անհրաժեշտ վառելիքի սահմանաքանակները սահմանելու մասին» N26Լ որոշման (այսուհետ՝ Որոշում) մեջ կատարել հետևյալ լրացումներն ու փոփոխությունները.
 - 1) Որոշման 1.1 կետի 1-ին ենթակետում «տնտեսական բաժինը» բառերից առաջ լրացնել «գործերի կառավարման վարչության գնումների և» բառերը, «բաժնի» բառից առաջ լրացնել «հաշվապահական հաշվառման և սոցիալական ծրագրերի իրականացման» բառերը.
 - 2) Որոշման 1.1 կետը լրացնել հետևյալ բովանդակությամբ 4-րդ ենթակետով.

«4) սույն որոշմամբ հաստատված հավելվածում նշված պաշտոնատար անձանց (բացառությամբ՝ Հանձնաժողովի նախագահի) և ստորաբաժանումներին սպասարկող ծառայողական ավտոմեքենաները կարող են շահագործվել նաև

Հանձնաժողովի գործառույթների շրջանակում այլ աշխատանքների իրականացման համար:».

- 3) Որոշմամբ հաստատված հավելվածում «2 880» թիվը փոխարինել «3 360» թվով, «960» թիվը՝ «1 920» թվով, «23 520» թիվը՝ «24 960» թվով, «հերթապահ ավտոմեքենա» բառերը՝ «գործերի կառավարման վարչություն» բառերով:
2. Սույն որոշումն ուժի մեջ է մտնում օրենքով սահմանված կարգով հրապարկմանը հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

Գ. ԲԱՂՐԱՄՅԱՆ

ք.Երևան
հոկտեմբեր 2021թ.